

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“, broj: 15/05), Plana povratka, obnove, gradnje i razvoja održivosti povratka za 2026. godine, usvojenog Zaključkom Vlade Federacije BiH, V. broj: 296/2026 od 06.03.2026. godine, a u cilju planiranja, kvalitetne izrade i transparentne provedbe planova pomoći održivog povratka u 2026.godini, Federalno ministarstvo raseljenih osoba i izbjeglica objavljuje

Javni poziv
za podršku zapošljavanju povratnika u organima javne uprave, javnim ustanovama i
javnim preduzećima, na prostoru entiteta Republika Srpska,
Brčko Distrikta Bosne i Hercegovine i entiteta Federacija Bosne i Hercegovine
za područja srednje razvijenih, nerazvijenih i izrazito nerazvijenih općina i gradova

I

Svrha Javnog poziva:

Javni poziv se objavljuje radi pružanja podrške zapošljavanju povratnika u organima javne uprave, javnim ustanovama i javnim preduzećima, u cilju unapređenja održivog povratka.

II

Cilj Javnog poziva

Cilj Javnog poziva je pružiti podršku zapošljavanju povratnika koji spadaju u manjinski zastupljene populacije u javnom sektoru na lokalnom nivou, čime će se omogućiti povećanje zastupljenosti ovih kategorija u organima javne uprave, javnim ustanovama i javnim preduzećima, a sve u skladu sa obavezama iz Aneksa VII Općeg okvirnog sporazuma za mir u Bosni i Hercegovini, te stvoriti bolji uslovi za održivi povratak i zadržavanje mladih kadrova u Bosni i Hercegovini.

III

Pravo učešća

Pravo prijave imaju isključivo pravna lica poslodavci koji ispunjavaju sljedeće uslove:

1. da su pravna lica - organi javne uprave, javne ustanove, javna preduzeća - registrovana u skladu sa važećim zakonima na nivou jedinica lokalne samouprave u entitetu Republika Srpska, Brčko Distriktu Bosne i Hercegovine i entitetu Federacija Bosne i Hercegovine – i to za područja srednje razvijenih, nerazvijenih i izrazito nerazvijenih općina i gradova (u skladu sa indeksom razvijenosti Federalnog zavoda za programiranje razvoja);
2. da imaju aktivan transakcijski račun;
3. da su u periodu od dana objavljivanja ovog Javnog poziva do 30.11.2026.godine zaposlili najmanje jedno lice na neodređeno vrijeme, iz kategorije povratnika koji spadaju u manjinski zastupljene populacije na nivou lokalnih zajednica u Federaciji Bosne i Hercegovine i Brčko Distriktu, odnosno na entitetskom nivou u Republici Srpskoj, a sve u skladu sa posljednjim popisom stanovništva u Bosni i Hercegovini.

IV

Ograničenje prava učešća

Sva pravna lica koja nisu opravdala namjensko korištenje odobrenih budžetskih sredstava u posljednjih 10 godina ili nisu ispoštovala druge obaveze iz ugovora zaključenih sa Ministarstvom, nemaju pravo učešća u ovom Javnom pozivu.

V

Finansijska sredstva

(1) Za realizaciju ovog Javnog poziva planirana su finansijska sredstva, obezbjeđena iz Budžeta Federacije Bosne i Hercegovine za 2026.godinu Federalnom ministarstvu raseljenih osoba i izbjeglica, u iznosu do 200.000,00 KM.

(2) Ministarstvo će poslodavcima koji budu odabrani u skladu sa ovim Javnim pozivom, onima koji izvrše zapošljavanje najmanje jednog povratnika na neodređeno vrijeme, jednokratno uplatiti sredstva u visini do 70% od iznosa predviđenog za isplatu plata i obaveznih poreza i doprinosa (bruto iznos) za period od 12 mjeseci, a prema obračunu prve plate uposlenog povratnika.

(3) Poslodavac je obavezan da sufinansira preostali iznos bruto plate na mjesečnom nivou za uposlenog povratnika.

(4) Poslodavac je obavezan dostaviti izvještaj Federalnom ministarstvu raseljenih osoba i izbjeglica po realizaciji ugovora o sufinansiranju zapošljavanja povratnika.

VI

Korisnici – aplikanti po ovom Javnom pozivu će pri izboru korisnika po aktuelnom javnom pozivu za infrastrukturne projekte Federalnog ministarstva raseljenih osoba i izbjeglica imati prioritet u realizaciji među projektima istog ranga.

VII

Prijava na Javni poziv

Prijava na Javni poziv obavezno sadrži sljedeće dokumente:

1. Čitko popunjenu, potpisanu i ovjerenu prijavu na Javni poziv, na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića 2., Sarajevo;
2. Aktuelni izvod iz sudskog registra (dostavljaju javne ustanove i javna preduzeća), ili aktuelno uvjerenje o dodjeli mandata izabranim načelnicima/gradonačelnicima, izdata od CIK-a (dostavljaju organi uprave);
3. Uvjerenje o registraciji poreskog obveznika u Poreskoj upravi (ID/JIB);
4. Potvrda banke o broju aktivnog transakcijskog/bankovnog računa;
5. Dokaz o upošljavanju povratnika: Rješenje o postavljenju državnog službenika ili namještenika, ugovor o radu na neodređeno vrijeme, Uvjerenje o ostvarenom povratku, Uvjerenje o prebivalištu – CIPS;
6. Izjava aplikanta da će redovno izmirivati obaveze plate, poreza i doprinosa za povratnika koji se upošljava po osnovu ovog Javnog poziva, ovjerena od strane aplikanta;
7. Izjava poslodavca o pripadnosti zaposlenih povratnika manjinski zastupljenoj populaciji. Pod pojmom „manjinski zastupljena populacija“ smatrat će se pripadnici konstitutivnih naroda i ostali, koji u skladu sa posljednjim popisom stanovništva u Bosni i Hercegovini, u entitetu Federacija BiH i Brčko Distriktu ne pripadaju etnički većinskom stanovništvu **na nivou općine/grada**, odnosno nisu etnička većina **na nivou entiteta Republika Srpska**.

(Izjave pod 6. i 7. su sastavni dio prijavnog obrasca, koji je dostupan na internet stranici Ministarstva www.fmroi.gov.ba ili se mogu preuzeti lično u prostorijama Ministarstva na adresi Hamdije Čemerlića 2., Sarajevo).

Tražena dokumentacija se dostavlja kao original ili ovjerena fotokopija ne starija od 30 dana.

VIII

Ministarstvo će po potrebi vršiti periodično ocjenjivanje ili ocjenjivanje pristiglih aplikacija po isteku roka za prijave, u skladu sa propisanim procedurama i kriterijima, te raspoloživim finansijskim sredstvima za ovaj Javni poziv, a imajući u vidu prava i interese povratnika koji se zapošljavaju.

IX

Sa odabranim poslodavcima će se zaključiti ugovor o namjenskom utrošku sredstava na period od 12 mjeseci.

X

U slučaju prijavljivanja većeg broja kandidata u odnosu na raspoloživa sredstva, prednost će imati poslodavci koji upošljavaju veći broj povratnika.

XI

Podnošenjem prijave na ovaj javni poziv, podnosilac daje saglasnost Federalnom ministarstvu raseljenih osoba i izbjeglica za obradu svojih ličnih podataka, u skladu sa Zakonom o zaštiti ličnih podataka. Lični podaci se obrađuju isključivo radi provjere ispunjenosti uslova javnog poziva, izrade ugovora, realizacije dodjele pomoći, vođenja evidencije korisnika i izvršenja plaćanja. Podaci se mogu dostaviti trećim stranama samo u okviru zakonskih obaveza. Radi transparentnosti postupka i ostvarivanja prava na žalbu/prigovor po javnom pozivu, minimalno neophodni lični podaci korisnika bit će objavljeni na službenoj internet stranici Ministarstva. Podnosilac ima pravo da zatraži pristup, ispravku, brisanje ili ograničenje obrade svojih podataka, u skladu sa zakonom.

XII

Prijave sa svim traženim dokumentima dostaviti lično ili poštom preporučeno, sa naznakom:

“Prijava na Javni poziv za program Zapošljavanje u javnoj upravi”,

na adresu:

**Federalno ministarstvo raseljenih osoba i izbjeglica
Hamdije Čemerlića 2
71000 Sarajevo**

(Na poleđini koverta navesti naziv podnosioca, tačnu adresu i kontakt telefon)

**Javni poziv ostaje otvoren do utroška planiranih sredstava,
a najkasnije do 30.11.2026. godine.**

Broj: 04-32-4-13-1/26
Sarajevo, 30.03.2026.godine

MINISTAR

Nerin Dizdar